

崇雅堂刪餘詩

崇雅堂刪餘詩

仁和 胡敬 以莊

對食戲作簡汪醉白

庾郎兀坐攻典墳，臚奕奕勞薪焚。長鬚赤腳奔走勤，二十七種陳紛紜異品。首數青井芹，雜以齏茗。薑薑黃梁破甑吹，氤氳大嚼口齒流。芳芬捫腹一飽情，欣欣有酒且足張。吾軍食單侈議徒糾紛，願鶩四掌鼈兩裙。乳蒸糴澳窮見聞，犀箸一下金幾斤。肉食者鄙古所云，從事口腹非吾羣。黑甜一覺乘宿醺，不夢臙神來夜分。侵曉作詩持寄君。

漫興

一泓寒碧近滌回，白版斜扉面水隈。細雨濕衣春翦韭，低枝妨帽曉刪梅。客來且去緣先醉，詩偶成吟不耐催。商畧生涯行樂

好年來物理靜中推

南屏寺觀金塗塔

我聞金塗塔建錢王宮相輪七級光熊熊當時八萬四千塔流
落多在蘆蔔香林中飢鷹餓虎紛相向繪出如來諸幻相何如
此塔鎮諸天法雲慧日相摩盪恍現如來丈六身金容滿月莊
嚴新三千舍利欲飛出神光眩轉五色空中輪琉璃瓔珞垂華
飾伉立東西雙突兀百寶旋生頂上光白毫欲奪眉間色亭亭
石琢青蓮臺雕窗八面玲瓏開釋迦傳燈乍明滅散花天女凌
空來嗟予未悟攝心戒信步嬉春到香界真如妙諦了不諳聊
爾禮塔隨人作膜拜七層無級絕攀援閒向僧房參四禪自是
佛家長富貴君不見黃金布滿給孤園

偕吳聽山李蒙士讀書城東道院

早晚經過羽士家，莎鞵隨意步欹斜。
身遊物外塵緣澹，日較人間漏刻加。
碧柰吐花侵客袂，綠雲浮盃薦山茶。
稚川丹訣今存否，乞取光明上品砂。

觀中道人葛姓

送聽山歸金陵

名園水繪帶斜暉，楊柳千枝竹四圍。
正是江南好風景，藕花香裏逐鷗歸。

客愁無那念鄉關，收拾新詩返故山。
知否行程添長物，載將三竺兩峰還。

艾如張

春江草長濃于織，彩雉衝烟飛帖帖。
輕搗繡項尾，襍褌翻身眼。避蒼鷹捷籠閉，驕媒意態閑。
擊場挂翳亂花間，如皋卻笑三年後。
始得闈中人破顏，何當碎卻連雲網，放爾文章光萬丈。

將進酒

秦皇按劍怒于虎，劍光燭天秋月吐。
方駕鼉鼉海上迴，膾龍作菹麟作脯。
光碧筵爲阿母開，一雙青鳥晝飛來。
丹桃攜得千秋實，畱核教從殿後栽。
雲和之笙帝子瑟，朗奏驚迴三舍日。
墜珥遺簪復何恤，雄心欲覓長生術。
輻輳車未轉，琅邪五色雲蒸貫。
酒家

西湖競渡歌

榴花如火照眼新，水嬉舊俗沿湘濱。
吳兒踏浪事遊戲，豈有意弔沈江人。
梭形艇子捷於舞，浪花高飛濕柔櫓。
側耳驚疑風雨來，仰視青天日停午。
暖香十里波搖溶，中流打鼓聲鏦鏦。
初疑華宴啟金谷，齊奴步障圍千重。
高標百尺花團簇，中流扣舷歌曲曲。
又疑飛舸下揚州，隋帝行帆張萬幅。
老尪鬢磔雙睛圓，入

夢定攪三郎眠其幼小妹態娟麗一鬼擎蓋斜遮前登仙不藉
蓬瀛漲好戲千秋聯畫舫半空吹落步虛聲仙囊百褶隨風漾
更選名優佩玉瑤船頭歌舞按霓裳採香傳出吳宮恨西子分
明鏡裏妝百戲魚龍隨山沒眼醉紅紅與白白散盡游人一瞬
間白雲閒殺峰南北

試燈前一日同人集古歡書屋何丈春渚繼至酒間語及
先人并當日同吟會諸詩老越日葉燾葺以詩見示依韻

奉答

蕭齋兀坐苦岑寂折柬招我同心儔襟期真率意縉縉如與古
人相唱酬當年文酒此開讌往事欲說良悠悠眼前誰是丈人
行歸然一老遺何休山陽懷舊情戀戀久坐感我殷勤畱酒間
娓娓話諸老其半我及瞻風流惜哉當境不自惜遂令此樂難

重求丁寧後起責在子遺書插架須窮搜青春無多易云邁試
看轉眼華燈收我聞斯言長歎息賴君詩句消煩愁

次前韻寄燾莽

說經紛綸途止二惟漢與宋殊匹儔鄭箋孔傳自不朽名物豈
可空言酬惜哉讀經又讀讖持論未免多謬悠後儒訾之苦太
甚遂分門戶無時休取矛攻盾至今日餘地不爲程朱畱區區
罅漏務排擊以申韓附儒家流沈思逕欲盡摒擋但取快意無
他求功名富貴各分定豈在六籍能冥搜窮愁著書縱滿屋茂
陵遺稿知誰收冷吟閒醉意自足看君獨抱千秋愁

試燾莽所贈微墨仍疊前韻

喻麋自古重易水奚氏之法世鮮儔多君攜歸肯見贈十笏愧
乏雙金酬紫陽講舍清且幽黟山厯厯江悠悠螢燈萬點射紙

屋杵聲夜擣無時休霜欺雪虐松枝適糟粕然盡神明畱淋漓
大筆試濡染古香散入行間流世人耳食難與謀厲鼎祇向元
珪求澄心堂紙漢宮瓦與此一例誇能搜幾曾名帖摹雙鉤徒
襲古錦爭藏收君不見井中陸釵匣中劍棄置勿用空增愁

元延祐艾虎銅書鎮

芸叟師所藏縱二寸寬三寸四分高一寸重十九兩三錢作虎伏艾葉形銘正書四字曰延祐二年

於菟鑄出態嘯奇藉以艾葉何襴褊狒胃漫說甘如飴勇猛氣
懾千熊熊疏簾清簾明朝曦書帶之草階前披爐熏不斷噴狻
貌此中位置甯非宜問年遠自延祐遺什襲不啻同尊彝我未
及見空神馳据自金石篇中辭縱二十黍高半之廣倍縱可布
指知厥重三鎊還少虧眞書四字銘昭垂製取艾虎夫何爲日
月雖失理可推鑄此所以禳癘疵當在律中蕤賓時我觀范志
詳禮儀五色之印朱索縻葦菱螺首光陸離彌牟樸蠱誕足疑

下沿荆楚事娛嬉釵符百索爭餽貽朮羹蒲酒何淋漓纏臂合
歡長命絲被除更用桃荔枝是鎮母乃同於斯先生嶽嶽鸞鶴
姿插架玉軸金裝池紉紅許綠勘諷詞萬卷藉汝牢護持辟邪
辟蠹功兼資嗟彼蟬魚之技何所施

添綫詞

微陽一綫回緹幕刺繡功先驗妝閣驗取分陰較昨添消寒拊
負探梅約多謝芻尼噪晚晴更拈弱綫趁餘明回針刺到雙飛
處綫腳重加熨貼平須臾日落風吹急明燈獨坐愁如績幾度
拋針倦欲眠羅幃繡捲愁孤寂一寸柔腸一寸針死央繡罷已
春深花磚影度遲遲日無限愁添到妾心

吳山觀日出歌次許竹洲韻

我欲闔闔排天門盡取列宿胸中吞赤手去捧扶桑暎奈何齷

靚塵世裏晝漏三刻身未起不知鳥飛已萬里東南積水連太
空日始浴處光冥濛破浪安得乘長風今朝看日上茲嶺縱詫
奇觀非絕境吁嗟幾時懷抱騁

春草

茸茸猶帶燒餘痕一夜東風醒夙根畫舫夕陽桃葉渡淡烟微
雨杏花村遙峰倬約青當戶暗水彎環綠到門贏得六朝無限
恨倚樓人望易消魂

光風依舊轉天涯蘸碧拖藍入望賒竟夕閒園無客過半階涼
露有簾遮牕間委照遲遲日陌上迎歸緩緩車試向白沙堤畔
望輦紅曾否似京華

嫩晴天似費商量一片濃陰暗柳塘拾翠行來衣潤綠踏青歸
去屐含香西園舊夢隨流水南浦新愁滿夕陽欲識春暉無限

好錦堂開處日初長

假山次蔡澆霞韻

飄然小蓬萊隨風忽吹下天工竟可奪目給恐不暇屢邀南宮
拜未畏北平射恍疑愚公移絕勝啟母化五丁力易助二酉名
強借托根若不深投足吁可怕斧鑿痕尙畱苔蘚補其罅張騫
善鑿空趙炳工禁架蹤殊擘華幻術效通蜀詐捷徑終南多稱
名不嫌假

孟蘭盆會歌

紙旛一竿燈一盃照夜燐火光熒然陰風森森冷砭骨蒼頭蒼
尾飛楮錢廣場拓臺大方丈漆紙高懸聖文榜跏趺端坐老闍
黎萬衆無聲法鈴響拈香三請如來來七十二重門洞開冰山
湯鏊諸苦惱一時甘露澆枯骸薜蘿衣兮紙爲騎鬼在人叢人

不避地獄描成變相圖塗抹丹青雜遊戲誰家頂禮延高僧招
魂夜半聞哭聲親亡乃墮餓鬼道須佛超拔真愚氓生前菽水
養不足死後金銀焚滿屋冥漢游魂歸不歸蚱蜢飛來撲華燭
須臾月落明河低鐘鼓聲靜街東西臺前撒米空滿地乞兒深
巷饑悲啼

蘇堤新柳

栽種成陰跡已賒望來猶自滿天涯幾回南宋停歌舫依舊東
風帶莫鴉一徑隄還連白傅兩湖春盡屬蘇家笑他綠滿西泠
路空闌朝朝油碧車

含風鳴綠水鱗鱗蘸碧搓黃色未勻解召鶯花湖上主曾遮笠
屐畫中身條難跪地迷芳草陰已生烟覆白蘋莫憶汴流傷往
事而今原屬一家春

雜雅堂冊會記
六
羅浮五色蝶

耀真仙洞記朱明栩栩風前蝶化成未必壞裙能幻此可真么
鳳是前生神光不定雲猶繞文采無多世已驚安得夢中傳彩
筆丹黃千種寫輕盈

水仙花

瓊英一枝香一室朗照亭亭揭冰雪碧沙文石注清泉位置妍
然稱標格芬陀利華君後身微妙香潔無纖塵人間何者足比
擬凌波羅襪嫌非偷簾前裂帛霜風緊竟體芳香不知冷滌筆
冰甌欲賦難裴回立盡銀蟾影

周五戈歌

袁亮師
所藏

句兵之用隨所施惟戈治氏其專司胡三內倍援四之平頭比
戟爲無枝惜哉鄭注畱微疵倨句之解疑空滋我觀公記神爲

馳五戈傳自成周時一戈公孫呂所治補盲左闕銘是資曰舛
曰造文差池此省作告良可思一戈鏞澀出土遲子永姓氏難
疇咨一戈銘勒高陽辭離衛左右戈分持据經證左辭非支其
餘二戈剝蝕難備知一乃雙鉤詰屈盤蛟螭側聞戈兵無刃殊
矛鏃此胡芒刃不頓光閃屍無乃方言所載匱戟其謂茲一乃
垂胡半折含古姿流傳千載安得無磷緇合與三戈者爲填簾
品題未許輕重分鉢錙先生鑿古窮妍媸奉刊有
詔承丹墀寶此豈徒供燕私謂是成周著作畱於斯卽今重泐
無鴟鴞盡消兵甲安耘耔止戈爲武公心慈爲周室輔其無辭
於戲爲周室輔其無辭請賡載輯干戈詩

聽蟬

九陌紅塵著腳行微涼誰解此中迎四圍濃翠階前合一片清

商雨後生古調獨彈無俗韻空山相和有泉聲閉門觸熱人稀
過欵枕風軒夢亦清

嗚咽非關怨女思仙都羽化擅靈姿風來竹徑招涼地日轉槐
廳卓午時流響自含無盡意借陰長占最高枝卽看清間蜚聲
遠熱惱人間總不知

戊午歲暮懷人

何丈春渚

琪

已少陰鏗與竝時吾鄉風雅仗公持千番逸少神來筆一卷襄
陽清絕詩諛墓無金言足信實爲先君
子作傳剋材有館聘終辭沈荃堂宗伯欲
舉先生孝廉方
正辭以
詩不就懸知宿草多離恨怕過山公舊酒池

余丈松屏

杏觀

眞堪彌勒與同龕禪向維摩病後參先生終
身不娶高節欲追林處士前

生應是古瞿曇名山事業篇中定耆宿風流酒畔談

先生及交屬太鴻全稱山枕董

浦諸前菴酒間往往道其遺事

想得梅花滿孤嶼幾回春向碧湖探

萬丈玉倉

福

四明湖畔好家居定遠枝分此結廬

先生世籍寧波其先本定遠人見葛氏族譜

河豕謬刊

先鄭志

先生祖充宗公有經學五書行世乾隆己卯歲先生重校正

家雞神似大王書

先生尊人九沙公善入分先生盡傳其筆妙

鬢痕還白遊仙後燈影搖青說鬼餘

先生喜說鬼兼善導引術

苦惱海深蓬島遠

願隨公夢到華胥

應丈叔雅

澧

鐵甕城邊挂客帆金焦遙峙兩巖巉生涯老寄紅絲硯旅舍塵

凝白紵衫

先生久客揚州江氏

雄辨語常驚四座疾書才足了千函一椽終

戀家山好歸採黃精荷藥鏡

先生癖旅必歸里

孫丈端飲

麓

竟負安車束帛徵寄懷巖壑憶孫登荒邨貰酒治髯好清簞圍

棋賭墅能

先生思耳
疾而工甚

老去壯心空伏櫪生來傲骨肯模稜莫嫌憔悴青氈敝自有千秋業足稱

項丈秋子

壻

論交松柏比堅貞鄰笛山陽感舊情肯向泉臺孤宿諾

先君子病
舊時以詩

屬先生
訂定

暇從淮海訂詩盟

秦小岷觀察建坡公祠于孤山之麓春
秋佳日集名流聯詠其間先生主其事

主持壇坫推

前輩宏獎風流到後生十載韓門比侯喜愧無豪句敵彌明

吳丈穀人

壻

卅載才名動玉堂萊衣歸祝老親康著書自戀三餘好投刺難
隨七貴忙駢體江陵推庾信新詞天水數堯章消魂從古維揚

地寫袍應空酒百觴

時先生告假養
親生講廣陵

奚丈鐵生

岡

谷口名傳鄭子真結廬窮巷舊比鄰

敬齋居與先生同巷里

青山愛寫蕭閒境

白眼慵看襤褸身騎省感秋悲隕涕

庚子歲先生方喪偶每先君子招飲醉輒拊膺長號悲不自禁

灞陵

逢尉醉生嗔

先生嘗夜醉歸爲遠者所窘先君子有詩紀其事

他年高士重脩傳欣賞風流定幾

人

俞丈秋府

理

力求詩格造深嚴石鼎寒宵韻共拈

先生舊作詩首屬先君子訂定

壯歲功名悲季

鷹弱齡詞賦擅江淹更番應辟才華盛辛苦讐書目疾添

先生暮江左以

目錄歸臥林泉今兩載藥爐茶竈靜垂簾

黃丈含山

鶴

兩世忘年續舊交仙扉花下許頻敲

先生極真吳山元妙觀

足經跨鶴驂鸞跛

書就門攤市肆鈔

吳山得肆有豬伯秀南華義海先生就鈔凡百六卷俱畢

山滿房畱雲作伴

露零秋苦燕辭巢

先生所居雲壘山房去歲燬於火一切著述蕩然灰燼

元符著就天追取悔竊參

同契內交

施丈羅陽

析

錦瑟華年入夢思五羊城遠客歸遲

先生去歲有悼亡之賦

江邊雙槳迎桃葉

嶺外千篇寫竹枝

先生自嶺南買姬人攜以歸

娛老關情顏有玉衛生多術鬢無

絲

先生舊醫

清談雅步風流甚凝想科頭捉麈時

朱朗齋師

交深

頻年遊跡等鴻泥贏得新詩到處題秋色嶺雲紅樹滿客懷楊

柳白門低

先生乙卯歲脩族譜聞省兩辰客金陵

吉金貞石按山左蠹簡殘編表浙西

阮雲

伯屬新山左金石錄浙水韻軒錄二書

憑仗硯田栽德好九原人盡感恩啼

孫青塋師

譽

賦閒居恐二毛斑遠道梅花庾嶺攀彭蠡秋聲帆背雨太行春

色馬頭山

丙辰歲先生自嶺南赴吳松圃方伯幕

柳枝堂後歌容聽

松圃方伯以家姬贈先生攜歸

書帶門前

草不刪

先生于德學
大旨宗師

今日華亭成小別繞溪流水聽潺潺

先生今歲
假館嘉禾

施澹珍外舅

於

壯歲難消塊壘胸歌成斫地氣何雄

外舅有斫地
歌凡千餘言

孤懷老去禪心定

流俗看來世慮空感舊難忘東郭雨

外舅與嚴古緣鐵
橋二丈交最深

遺愁高臥北

窗風養生理悟稽中散不藉丹砂體自充

丁芸圃舅氏

培

皇華行惜太匆匆暫暇歸營馬鬣封

去歲舅氏因公自閩至都
還給假營葬事畢仍赴閩

別去路

迎紅荔熟寄來書帶綠蕉濃危探虎口家千里

臺逆時事時舅氏寄率
省城而身在軍營者凡

六月夢繞羊腸路萬重

時九舅氏
寓廣西

慎莫看雲苦思弟咸陽容易靖邊烽

項蓮峰

製

廿年交契托苔岑友更兼師誼最深荆楚歲時宗懍記

君與黃書
屋吳數人

諸文爲新年
雜詠行世

池塘春草惠連吟

令弟壽芝早歿君刊
有吳弟詩三十首

樣翻貧女窗前錦聲咽

中郎爨下琴畢竟憑誰能說項年來我亦感浮沈

王木齋

漢晉

故紙蠅鑽肯憚勞一枝不律夜深操賦傳雌霓音先正書校甄

鸞價定高

君通小學兼蓄
應推步算數

君自文場能拔幟我於經訓厭吹毛是非

千古終難定守一家言轉足豪

施陶村

隸

一水斜通白板扉頻來我認釣魚磯池塘積雨浮萍合桑柘經

霜亂葉飛燕幕先春巢早定

君明歲館
西坡魏氏

鶴糧支歲骨難肥此身最

易儒冠誤謀到傭書事總非

戴金溪

隸

曾把金篋刮目看高軒暇肯過袁安

予嘗作定鄉百
詠蒙君見許

圖中駿羨公能

索

君今秋主
試事山西

都下琴憐我倦彈鴻鵠天高飛自易蓬萊風引到終

難平生一掬知音淚灑向詩篇總不乾

龔開齋

鑿登

黃槐影裏建詞壇吟伴偕過喜識韓

乙卯歲葉子壽翁偕君適余會遂定交

慕絕紛華從

古少學窮元本到公難世人健羨惟科第吾黨真知在歲寒料得承明多暇日秘書還就閣中看

馮放山

鉉

頻年席帽困諸生歷落柴車萬里行巫峽巴江搖遠夢沙蟲猿鶴寄孤城

君客與西值苗匪鴉張因閉城中者數日

迢遙歸路迎秋色激越新詩帶羽聲便

合閉門披舊策閒鷗重訂昔時盟

吳聽山

文聽

舊遊裙屐兩翩翩寫抱吟邊更酒邊東郭雨中黃葉寺西冷花外碧湖天如沙易散悲塵世比月難圓憶昔年今日高堂空望

遠墓廬何處白雲連

君家如韓甲寅秋隨母來杭與訂交至丙辰夏別去近書來知其尊人已下世

蔡莘奮

任

貧守青氈臥故邱
生涯拙少稻粱謀
自多頌酒判花樂
不解撐門拄戶愁
人笑髭鬢成老大
君年未三十而鬚鬢已數年
我看哺啜亦風流
熙春橋畔沙隄路
蠟屐何時續舊遊

西漢定陶共王陵鼎歌

漢元三子長者帝
定陶王鼎稱陵何
流傳此鼎王祭器
供自三輔銘堪摩
銘文一一燦列宿
厥體非籀還非蝌
惜哉歲月失刻
刻考古令我重摩
掌王薨乃在孝成
世時方議禮無委
蛇輔臣奏罷郡國
廟百六十所埋銅
駝况王私親於義
絕帝有明詔垂不
磨奈何紛更及哀
帝援引經義殊偏
頗追尊皇號亦已
甚復起陵寢周山
阿史皇孫有祖制
在中宗地下能無
訶奉迎丁傅

置官屬桂宮特起金鑿坡五侯七貴濫恩澤一時子姓皆鳴珂
母妃竟葬渭陵側冢擬先帝還高過乃知鼎亦是時造建平二
載無差訛宣和博古偶失載載定陶鼎知非它彼銘乃是高廟
器要與此鼎相殊科汾陰好時不經見撫斯古質空吟哦想當
月祭及時祭此鼎昔日長駢羅龜婁牢一飲烝二樂奏文始聲
平和更番上食走祝宰輝映鼎側冠裳薌臙臙各實鼎內侑
以玉斝神顏醕銘鐫廿一復卅一供廚想見當時多嗚呼貴寵
徧外戚豈知外戚還操戈金蠶玉魚盡一炬漫空有燕如飛蛾
爾時此鼎避何處毋乃鬼物勞撝呵我經陶邛訪遺址不見蹤
道緣陂陀孟堅善善長說互異時代久遠窮切磋作詩論古聊代
考孱筆自媿昌黎歌

不寐有懷選樓

與君時把晤恍若久分襟幾日不相見幽懷無限深何由晨夕
數得其短長吟小疾聞初起春寒莫更侵

踏燈謠

趙校書吳山清平里人元夕偕姊出遊爲人掠賣於臨清曲中
以能詩擅名一時人多以唐薛校書比之因以爲名後姊婿周
子文作吏道經臨清見其貌絕類己妻又見其憶母詩於綾帖
中爲鳴諸官而脫其籍送之南還女父母感生高義遂以歸之
事見列朝詩小傳及宮闈小名錄

吳儂顏色如桃李兩小春藏深巷尾薄命堪憐遇合奇踏燈可
奈波瀾起門巷家家步障圍銀花星樹艷生輝春風絃管嬌羅
綺玉漏催殘不肯歸良宵如此拋難得姊妹雙雙夜深出十里
銅街取次看一枝玉樹倉皇失墮珥遺簪月已斜匆匆歸盡冶

遊車諒非密約重三夜豈肯輕過第五家抵死尋求不知處此時人往臨邛住崑崙兒劫妙妹還聶隱娘隨老尼去擁背無人獨自寒歸來有姊涕洟瀾叢殘舊繡還畱在棄置空箱不忍看渡頭他日迎桃葉苦恨桃根斷消息誰料東風墮溷花占來北里傾城色羅帶閒題十樣箋才華不數薛家妍哀箏彈出思歸引團扇裁成憶母篇南飛盼斷天邊鳥此地家鄉人見少有客高軒趁曉過聽他吳語如儂好四目相看一餉中驚疑邢尹貌相同猜嫌未便分明說鄉里還教備細通再四推求終不對搜來綫帖詞難諱紅葉緣成五字中青蓮拔向淤泥內阿姊深閨聞妹來迎門歡喜笑顏開相看依舊如花貌代整新妝對鏡臺關情別有深深語阿妹無言心自許感他第一有心人諒我無雙舊家女輕薄無嫌桃李姿關雎重譜國風詩若非名擅烟花

部那得身棲瓊樹枝風塵淪落休餘恨到此看來事前定兩兩
晴沙瀉鷗眠重重寶帳芙蓉並小邑臨清春色賒舊遊曾此醉
流霞琵琶聲裏南音少何處錢塘蘇小家

哀窮途

燕飛向東南伯勞飛向西相訪不相值張角兩乖睽舊巢在何
許趙北燕南陸爲言江南好雙飛辭故枝雙飛何所適故枝輕
作別本意鳥投林翻成魚臥轍迢遙四千里欲歸那可得僦屋
臨安城雙雙共棲息臨安大都會華屋如雲連雙雙共棲息實
惟城南偏城南多貴遊裘馬何翩翩隱隱還隆隆車來大道邊
香車若流水續續來不已窈窕車中人蛾眉瓠犀齒顏色桃花
紅長軀耀羅綺香車續續過聯騎縱橫來寶鐙錦障泥馬上豪
家兒仰面微帶頰道是看花回門外馬嘶聲門內飢腸鳴飢來

出門去車馬紛縱橫相看但陌路飢渴誰關情出門復入門入
門相對泣三日炊無烟十日髮不櫛不櫛亦不愁不炊安所食
阿壻起長歎來此真窮途誰言江南好途窮成餓夫阿婦起長
歎何以供朝餽荆釵不值錢身上無完襦阿壻爲婦言累汝辛
苦久生前幸無兒不憂身死後死後那相隨生前思相守阿婦
語阿壻郎今何見疑相隨匪一載妾心郎自知妾心雖匪石立
志堅不移生常影相守死當魂相隨阿壻聞婦語低頭暗酸楚
感汝身相隨感汝心相許汝心我自知今當從汝言不復相勸
阻淒淒復惻惻惻惻出門去出門何所之相看但陌路阿壻出
門去鄰媪來入門入門笑向婦汝心何煩冤我能爲汝解汝試
從我言東鄰世業醴生兒顏娟秀耶孃絕愛憐抱持不離手斷
乳已歲餘繞牀新學走好去爲扶持亦足餬汝口西鄰家作宦

爲女成嫁衣綵段百十箱箱箱生光輝朝成繡袂裙暮成金縷
鞵亦足餬汝口好去爲翦裁低聲復語婦汝無徒自苦汝顏桃
花紅有人愛憐汝裘馬豪家兒揮金賤於土車中窈窕孀多半
豪家婦我試爲汝謀言談必有緣早晚來迎娶婦聞大悲摧多
謝媪見哀豪家自有婦賤妾自有夫出身本良家不甘爲人奴
媪聞大詬訾行見汝餓死乃捨豪家兒戀此窈窕人子雞羣那入
崔仙凡不同胎便請從此辭一去不復來多謝媪不來妾心甘
餓死開門送媪去閉門淚如雨門外馬嘶聲香車若流水隱隱
還聞聞續續來不已車聲過門外郎歸到門前迎門婦長吁入
門炊無烟飢腸作雷鳴相對空淚漣身上無完襦荆釵不值錢
中宵起彷徨悲歎難成眠彷彿皇天欲曙切切相對語那用復貪
生生亦徒自苦兩心各自知不復相勸阻誰言江南好來此真

窮途誰言江南好來此成餓夫誰言江南好不如雙飛燕飲啄
還自如誓爲其命鳥忍作獨活草已分同生難何似偕死好雙
雙朱絲繩高挂梁中間梁作連理枝繩結同心環相當復相對
一死安如山日高門不開鄰里打門入入門驚相呼驚定還太
息生旣不異室死自當同穴官爲判哀詞書碑道旁立客民有
崔升同妻寶陳氏本自京師人訪親其來此訪親不相值流落
此間死官今爲捐廉瘞之南城址豐碑樹道旁行路爲悽愴何
時餓死骨化作雙鴛鴦還因西北風翱翔返故鄉

書潘紅茶詩卷後

清簾踈簾絕點埃北牕把卷對風開卷中冰雪忽吹起驟雨送
涼林外來

朱椒堂同年邀和朱文正公師十臺舊作敬次原韻

姑蘇臺

難料重然已死灰越成禽後暇登臺可眞美女能傾國不殺降
王是霸才茂苑竟生秋草徧香涇無復錦帆開如何玉筍峰前
址一例荒荒麋鹿來

章華臺

區區不畀奈天何人子他年殺悔多獻禮霸圖空浩蕩誦詩驕
態忽消磨誰當太室巴姬璧倖免方城縣尹戈歎已身同郊敖
逝細腰宮尙舞婆娑

朝陽臺

十二峰前雲出門纔行暮雨又朝暎誰將宋玉篇中句誤入襄
王夢裏魂使奉漢槎眞鑿空神游洛浦竟迷源參差題壁高唐
句分付詞人莫浪言

黃金臺

自隗能無自薦羞說甘於肉異身謀縱輸楚客三千盛已報齊
城七十收地欲暴秦通絕塞天教昌國屏遐陬我來易水風蕭
瑟散牧寒餘土一邱

歌風臺

龍歸芒碭帶風雲粉社高歌對夕曛故老衣冠曾不改新豐景
色與平分沐猴自此休騰笑屠狗而今也策勲莫訝韓彭轉殖
醢弓藏鳥盡古來云

戲馬臺

衣錦何妨惜夜行阬降終究勝杯羹三分不爽諸侯約百戰翻
成豎子名關內已消秦王氣帳前其奈楚歌聲美人珍重還名
馬如此英雄大有情

望思臺

一自飄飄思入雲，九宮祠早覺開君。妖巫有術搖宮禁，太學無書立古文。定嗣妃能殺鉤弋，求仙女竟嫁將軍。雄才作用都如此，奏覽千秋悔萬分。

銅爵臺

帳空懸總切雲高，誰復登歌按紫槽。風便有兵燒赤壁，月明無冢辨黃蒿。兩朝名襲香姜誤，近世所傳銅爵瓦甓乃高歡避暑宮冰井墨香姜開瓦許楊升庵集一賦才推愛子豪。欲向清漳覓遺蹟，春深流水自滔滔。

鳳凰臺

此非阿閣肯來棲，凡鳥諧臣附會題。江上烽烟增舊壘，苑中花柳闢新蹊。脰熊言可思僧綽，舐犢心終負會稽。畢竟長城誰手壞，徒勞志士舞荒雞。

凌歊臺

芳林清暑陋朝儀殿起高容五丈旗
梅萼點粧誇貴主葛燈畱具笑貧兒
題旌最賞才人筆射策難容諫士詞
歌舞祇今迷處所青龍山色自委蛇

翌日陳雲伯同年復以十臺詩見示仍次前韻

姑蘇臺

爲沼心先智士灰歌聲猶自繞層臺
輸金許看傾城色埋玉能憐異代才
犀甲千軍茶火盛鷓夷一權水雲開
興亡不盡登臨意江上年年白馬來

章華臺

百箴其奈瓊規何召亂兵興四族多
漢上衣冠畱髣髴雲中旌旆已消磨
老悲公子同擠壑少敵君王有執戈
翠被可憐行獨

自雪花猶弄影婆娑

朝陽臺

美人香草擬師門，豔寫扶桑上曉暎。此日連娟曾入夢，他年盛鬢與招魂。巫山雲雨神無跡，湘水蘭蓀學有源。不比感甄題舊在東阿，哀怨託詞言。

黃金臺

計獻荆軻拙可羞，舞陽何足與同謀。千金駿枉中涓市，九沃圖先督亢收。竟使虎狼編郡縣，絕無麟鳳在郊陬。傷心顛骨誰償價，算使將軍得首邱。

歌風臺

風起飛揚對大雲，天亡慷慨弔斜曛。沛中垓下歌相似，騏蹶龍翔事竟分。租復一鄉私父老，威加四海負功勳。英雄成敗渾無

定論厭人云我亦云

戲馬臺

更無面目渡江行漢遂封侯到夏羹編史竟儕高帝紀建祠宜
署憤王名畱傳送客登臨處想見當風叱咤聲先後彭城屬劉
氏重瞳泉下若爲情

望思臺

歸來有淚灑寒雲仙術難逢李少君誅不失共殊晉獻歿同追
悔似唐文壺關此日閒三老平勃當年袒一軍畢竟保全由羽
翼祖孫才略就中分

銅爵臺

西陵樹接禪壇高纜識當塗又共槽有女欲行東漢臘生兒能
賦大牆蒿

樂府大牆上蒿
行爲魏文帝作

面江橫槩懷何壯語妓分香態不豪倘效

摸金將塚發陸沈應免日滔滔

鳳凰臺

異鳥爭傳采鳳棲九層銀榜看璇題笙鏞郊廟頌新樂樓觀湖
山拓舊蹊闕里建祠儒解重渾天觀象古能稽易儲何事言輕
漏家禍由來兆化雞

凌歊臺

明堂亭帝創隆儀五路金根卓翠旗如此朝章真邁祖自來家
法不裁兒屠沽莫挽淪亡運田舍空傳戲侮詞獨有尙書才挺
出恥同儕齷效委蛇

觀演徐青藤四聲猿傳奇戲作

岑牟單絞吏搥鼓書生如羊老瞞虎樓成白玉天少才旌節隱
隱雲邊來干椎阿瞞可知苦書生神仙老瞞鼠

題蔣礪堂中丞愛蓮圖

公本蓬萊仙駐節明湖涯湖光映旌旗日上放早衙焚香坐燕
寢政簡吏不譁招涼碧簫飲薦客龍泓茶荷芬曲池泛竹蔭修
廊遮娛心有圖史聒耳無箏琶自公莅此邦惠澤周幽遐秀良
荷栽植頑梗窮搜爬樹木猶樹人養民如養花臨安百萬戶沃
壤饒桑麻覆之慈雲蔭溉之甘露華豈惟父老心草木亦拜嘉
雅集披此圖遂作西園誇願充圖中客南望雲山賒

皖江夏日懷人二首

葉燾葬

東郭棲遲遠市囂暇拈經史課兒曹家居似我交游懶吾黨推
君士品高出世情懷成古衲接人風味過醇醪何時得遂西窗
約蠟屐過從不憚勞

汪選樓

清芬堪佩秀堪餐歎息無人刈畹蘭好學依然其識定有才如
此不矜難雲雷古鼎苔花蝕風雨空山石骨寒眠食近來無恙
否煩君箋語報平安

孫華海湖村花隱圖

京華偶寄跡乞養歸敝廬敝廬尚依然歸隱聊以書一編長在
手敝廬亦何有眼倦書怕開歸隱聊以酒昨過君家游園涉東
西頭有書足欣賞有酒供拍浮庭前桃共李人住花光裏我居
寂無花此樂輸君矣輸君亦似君東皋與西冷看花長滿眼惜
花長在心煩君圖補寫笠屐當林罅柳灣露漁磯坐我花之下
汪小米舊藏宋刻呂東萊大事記失去久矣近復得之邀

同人作歌

借書一鴟還一鴟古諺傳寫鴟成癡惟因不還亦不借有買誰肯傾家貲蟬穿鼠齧等做耳巧偷豪奪還兼之連城既無璧往日台浦那有珠還時汪君愛書亦愛客書容客借緣相知還歸何意訂久暫借與但言勤護持東萊事記宋遺刻卷頁完好無纖疵分行可定局版本舉例况合春秋辭漫從紙墨別時代早覺義理傳師資贏顛劉蹶事備載年經月緯詞無支六丁驚奇爲攝取二酉補闕空追思楚弓已嗟失去久顧畫不恨飛歸遲一朝重得出意外把玩奚啻珊瑚枝天畱有待比豐獄物得其所同仇池或言寤寐君默感我謂持贈人忘私傳觀滿座共歎息典守在櫝宜專司香芸三重錦什襲生怕僮父黃塗雌

從蔡木龕乞得嘉卉數種

年來抱甕是生涯欲借方書處士家已分出山成小草偶經閒

地翫空花碧沙文石饒清供薄日輕陰養嫩芽乞取數莖歸種
好嬾從時輩鬪紛華

看花辭樹每心驚對葉終朝倍眼明海上遠攜凡幾種客來多
半不知名佩蘭天氣清和節拔薤風流鄭重情便擬茹芝兼餌
朮願傳翁訣學長生

題汪槐塘先生壽詩卷後

并引

應文叔雅書先君子及春渚諸丈所作槐塘先生壽詩在乾隆
癸卯時敬年纔十五及今四十有四年矣先生以乙巳歲歸道
山而先君子於巳酉歲棄養相距止四閏春秋耳卷中得年最
高者爲叔雅秋子兩丈嘉慶戊寅重題卷首二老風流詫爲僅
事竊幸晨星碩果歸田後尙得追攀何圖二三年間相繼下世
仙籍固難漏脫耶銘甫世丈出以屬題覽一幀以如新痛九原

之不作因追次秋子文韻以誌悲感云

借將庭菊頌靈椿杖履晨過滿座春叨侍芳樽曾有我分拈彩
筆更無人心香冷淡交何古手澤畱傳遠倍珍好附水雲遺集
後庶教千載句長新

喜孫兩人歸自永嘉同人集靜寄東軒有作

飲中仙又會同時重叙春江賦別辭六月清涼宜中酒一年離
索要徵詩月泉社已添新詠林羽巢仍守舊枝欲向尊前商出
處蹉跎其奈鬢成絲

題趙蘅士悼儷篇卽用原韻

蘅士繼室吳氏名淑字采芹本姓
錢氏海寧人梁山舟學士有傳

失卻當年寫韻人一篇和淚染龍賓嬉游弱歲渾忘避唐突微
詞早惹嗔從此房櫳深歛迹欲傳消息了無因慈悲佛許重相
見引與鱗鴻往復頻

割臂癡情委曲衷，伯勞飛燕恨西東。青廬帳已聯新耦，紫玉釵難訪舊工。百折千磨愁事改，倡子和汝表心同。怪他鳩鳥徒饒舌，不是麝蕪徑不通。

賦出關雎樂，又哀華燈凝。對雨驚猜非緣瑟，更尋膠續那得筵。重卻扇開恨失雲英腸，已斷喜逢簫史首。仍回幾多相憶無多聚，比似優曇偶現來。

老去潘郎不自聊，淚痕彈徧竹瀟瀟。海枯石爛情何極，釧動環飛夢竟遙。藥店已看龍出骨，銀潢猶憶鵲填橋。等閒絮語都畱在珍重零殘數尺綃。

前詩未盡原作之意，復成四首。

語傳冰下未須人，崇嶽原爲入幕賓。調不待梅姑，豈願側教同。蔗母宜嗔狂言，謾語真成悔。換羽移宮別有因，我見猶憐休決。

絕紅閨聞勸理妝頻

鏡臺重下慙深衷飄泊隨郎馬首東疾病染身求鵲術波瀾浮
岸試龍工綠蕉紅荔千村繞驢背船脣十載同須識花封非易
領排衙珍重鼓三通

生計貧家絕可哀
有人猶作達官猜
偶沽村酒金釵拔爲佐園
蔬線帖開襁褓撫雛心
最惻桑榆瞻景首
重回酸辛不盡彌留
語述待珊珊入夢來

奉倩神傷生不聊
寒齋風雨聽瀟瀟
情鍾東鯨西鷄甚路涉南
閩北薊遙機已罷
迴蘇氏錦柱真能抱尾生
橋祇愁兩鬢今如
雪難共眞眞上畫綃

宋孝宗賜臨安府張杓手勅

勅示議郎直殿張夙知臨安府張杓才全而德備積厚而施博明齊篤恭生履羣雄勉

脩歎官以達士望可奉勅如石牒到奉行淳熙十三年二月一日下緝熙殿費爲徐問遷所藏

將門之子職京兆孝廟當年曾賜詔淳熙官此歷紹熙以次勳

階陟清要此勅猶署承議郎直徽猷閣階相當宋官制承議郎及直徽猷閣皆重七品官

居三品階七品非檢會要疇能詳案宋府尹從三品時杓權兵侍亦從三品應階通議大夫官尊階與未詳其故宋志載職

官其略憶徐景伯所錄宋會要犯官階權極極詳情無由據以攷定也鋤姦弭盜述青史胡乃操觚率如此勳文止二

十七爾時制誥掌何人上水船應卿便是杓杓參差審所從勳稱張杓史稱

張杓獲獲音可與夔通元康果獲獲讀若保元史誤作夔讀若獲無此字昔修石渠寶笈會辨正之全材不作開封

尹勅亦殘山牘水同宋授官勅其後皆有中書門下及奉行諸官結銜非印極詳盡此勅無之蓋不全本也

西域喀什河經石

石色微黝高六寸廣一尺厚寸五分形略如梭一面刻番字佛

經徐星伯從塞外攜歸凡七枚云得諸喀什河以一贈陳扶雅

喀什河屬漢烏孫地疑爲漢刻無顯證攷俟簡栖

篆文大小難涉筆況乃烏孫經寫佛縮本疑摹响嘖文不然斷

爛岐陽碣徐君載此入玉門斑駁石帶風沙痕左行右行了莫
辨迷者真我但手捫周禮烏孫在漢通中夏燎復知書從主嫁漢書
嬖上書且馮夫人嫁以能史書爲諸國教習得母星隕夜明時佛出天驚星所
非不爛漢文者則此刻又疑在漢以前矣化語言文字佛埽除石刻鋪叙尤其餘我自十年身面壁懶無
豪興荅番書

詩旣成扶雅以考證見示復次前韻

扶雅云是唐古忒所書綽霍勒贊旦經彼中累石爲主以祀神
謂之鄂博因刻經石上其說得諸喇嘛據此當爲元刻矣按元
代西域悉隸版圖所設官領以國師號令至與詔勅竝重皇慶
中命國師繙譯諸梵經典凡諸番朝貢表牋文字無能識者皆
令譯進豈此石亦出當時國師所譯耶書此以誌存疑

剝膚作紙骨爲筆磋髓書經乃成佛畱傳六十四種多

酉陽雜俎西
域書六十四種

科斗胡書舊存碣字母傳自婆羅門體亦絕肖屋漏痕石能點
頭爲說法廣長舌在無由捫自從髡髮燄熏華夏元帝稱師主甘
嫁製成聞道字千餘紐合字隨聲變化元史世祖命國師帕克斯巴製蒙古新字千餘其母凡四十一相關經二合三合四合成字大要以諧聲爲主字成加繁大寶法主又泰定時以帝師兄索諾木羅布尚公主晉唐舊譯遭剷除新譯所刻猶
畱餘試問膽巴瓶佛種可眞大寶法王書

周虢叔大林鐘爲張叔未賦用黃薌泉韻

周景爲大林單穆論何遂旣非昭令德又異以功計聲違細尙
羽六氣何由第斯鐘豈其覆鑄自厲王代較景年更古乃獲弄
諸筭可嗤博古圖強證慧同惠跡其說虛誕非止匝一器收齊
諸罇鐘妄制九州字容齋力詆之一笑且姑置傳古爾所載周穆季子周及父癸匝周義母區與
齊罇鐘諸銘考諸洪容齋皆斥其非見陸筆傳觀此拓本不厭三日對首云虢叔旅章灼在
銘識豈無文待釋要合六書義參考及竹書知爲伐淮事彝器

旌武功寵比旂鸞賜

扶風英陽郡鎔賜
兩旂鸞龍散蜀文

有殊齊兵作非禮致騰議卻思

疇作銘定出召虎輩能遵神警律所考量以制終勝山甫鼎來
獻自遐裔黃君語撫實哇徑何處避叢殘拾陳言取自君所棄
銑于眼未見贊歎舌先敝金景吐紛縕詩謾推漢世由來錄金
石遺大收瑣碎寶氣萃嘉禾海內知叔未青煎與翠刻排比想
依類論年合首數餘次以其彙編鐘諸侯六器已判懸備

徐同柏
攷證是

錄凡三及刻
證他錄又三

同時貢明堂史館紀爲瑞

觀扶雅所藏漢雞鳴戟仍用前韻

并引

戟銅爲之援廣八寸胡六寸內四寸皆稍殺內閒銘文三曰朶
阿左按古文聞作聿聞作聿皆從朶則朶爲古門字無疑門阿
見左傳古門戟列門兩旁故以左右別之其名雞鳴戟者據鄭
君治氏注謂戈今句子戟或謂之雞鳴或謂之擁頸古戈戟名

散文可通鄭互言之舉漢法以曉俗其實戟有刺戈無刺方言
凡戟而無刃吳揚之間謂之戈說文戈平頭戟刃卽刺無刺卽
平頭此無刺乃是戈通謂之雞鳴戟耳援之橫直說各不同金
檠齋據鄭注謂援上出程讓據黃伯思銅戈辨謂援旁出扶雅
精漢學他日當以質定焉

治氏詳考工記者語精邃胡援之廣博其倍以寸計先戈後述

戟蘭錡分次第舉漢法況之戈亦可戟代何圖句擊兵什襲經

生笥想當載到時肅拜謝嘉惠呂諲拜賜門戟事見唐書本傳又李涪刊誤時扶雅有喪故用此韜之用赤

油珍重前驅器古今注梁戟以赤油韜之王公以下通用之以前驅得勝宮亭湖猶識古文字南齊書

昇平三年村人於宮亭湖得戟伯思說無據援豈可橫置所殊區戟狀兩

兩霜刃對方言三刃戟附注欲別于戈特以三鋒識鄭注戟今三鋒戟刺者

子載惟戈象取啄鄭注于戈釋已當謂以啄人則不入已句與鉅訓同義張揖子虛賦

異制

謂以啄人則刺不決蓋卽雞鳴取象也

注羅戟胡中

有脛香干將所造

詳別國方言

方言凡載曲者謂之鈎鈎鈎

載東宮舊事

初學記引漢

廣韻角以維距

森然列諸門

以代斧鉞賜

後漢書注引漢雜事曰漢制假斧鉞以代斧鉞

卽銘審所設

鳴戰十張

信可無疑議當時淬鷓膏號召干將輩曼胡與擁頭彷彿見遺

制後來龍頭飾例此特苗裔漫誇一夫揮足使萬人避

陳琳書云夫揮

何如明信賞昇盜盡捐棄

後漢書張勳爲會稽太守賊求解通明用信賞賊盜聞勳諺曰棄我戟捐我矛盜賊盡皆休

精金

遇良冶歷久未刊做固知非贗鼎傳會黃初世可曾方朔執要

異宗起碎

薛宗起碎戰事見漢書

生平於古物真偽識全未持將刈園葵評與

羣盲類君胸具武庫戈戟想羣彙建溪多毒淫藉作不虞備騰

光過三尺參宿燦奇瑞

扶雅時有閩中之行

碧山樓詠時大彬砂蓮蓬酒杯

不假金鎔玉琢成沙搏椎劃匠心精製如印向泥中合飲早蓮

從舌上生數到恆河千瓊少分來太華一峰平小螺笏綴尤奇

絕鷓鴣當年浪得名

陳訥庵面壁圖

羣仙歸宮際七夕招我虛堂面寒壁

重七日招集禁陽山舍出示此圖

入山前日苦不

深對此孱顏悟禪寂先生鑿壁經幾年借面肯共時周旋何嘗
談空與說有飲酒食肉自得仙讀書悔不十年早我渡江還身
已老平生伎倆比崑崙輸與街西女郎好虬松夭矯寫初成中
有長風萬里聲祇恐疾雷驚破壁一雙飛去作龍形

嚴鷗盟歸自嶺南出書福樓勘書圖屬題兼呈粵帥阮相

國座主

世人誇眼福華侈各從好多福在自求書義第一要無人不讀
書疇能精勘校羣書束高閣相詡以詞料居然號文人言肆氣
凌暴麒麟徒有植混沌本無竅可曾略識字博辨謝文飽牙慧

拾時人無理祇取鬧瑯嬛與宛委魂夢未嘗到繫余抱書癖失
學悔年少濫直承明廬賢友獲三樂流觀中秘書涉獵頗稍稍
望洋搜大典輯錄空紙耗芻及二氏藏兼採奉

明詔雲烟千萬卷窺比管中豹所惜過不畱泛覽疏實效歸來
讀遺書落葉苦難埽雌黃不敢下恐被來者誚講舍領西湖慚
媿主文教豈無承學子修敬并遺貌科頭短後衣書袋時或掉
數番免園冊珍重比圭冒選理且不知况與論謨詰陳陳太倉
粟紅腐發深窞其味出熏蒸到口舌先橋奈其結習久異曲總
同調持以示先生真不值一笑先生古醇儒祖德百年紹三嚴
有述作能弟本於孝卓哉司農公出處凜清操畱福與後人書
外絕無鈔先生能安貧貧以書自療終年小樓坐圖史足吟嘯
觀書如朗月萬象歸一照又如鑿止水以靜攝羣躁因書得游

福遠陟海南嶠吾師今許鄭於此擁旌旄側聞學海堂多士羅
俊造海南尚詞賦古訓鮮則倣先生佐吾師呼寐使之覺烝然
風會變漢學闢堂與人才無古今在上善爲導詁經掩精舍蛙
聒久生竈當年浙東西才藝收衆妙其中汪與范心獲殊耳剽
何人解經術提倡重號召長使兩書樓萬里光照耀吾聞海南
郡漢已徵翠瑁惟時求書使或憚立邊徼古本倘見收毋秘幸
相告其餘若金石搜剔自登眺此游入寶山萬卷富歸棹勝載
千金裝柔櫓一枝搖人生重晚福從此樂高蹈讀書與爲善在
理無不報問奇有佳兒疑疑髮未燥他年繼司農先澤資表傑
福履頌綬之豈弟神所勞

題小蓮十友花圖

生香不斷四時同姹紫嬌黃滿幅中我亦筆花騰五色爲拈雙

管寫春風

春風豈必際芳辰，但有名花便是春。
一種花開一心賞，同心休道世無人。

汪又村招集靜寄東軒賦嚴氏琴

購琴價兼金，知君懷雅音。
援琴再三鼓，知君寄遐心。
嚴氏得爨材，名流爲題贊。
流傳三百年，何異廣陵散。
音和德自謙，音淡性自廉。
琴聲之所感，默與二者兼。
感君鄭重情，爲君鼓還再。
莫從枯木求賞音，在絃外。

吳越樂府

不睡龍

飛且舞，天目兩乳分。
不睡龍作錢塘君，燈向夕，銀枝光奕奕。
不睡龍成金蜥蜴，蜥蜴卽是龍。
興雲吐霧膏液滲漉徧浙西東，怕

探珠不甘寢擲銅丸欹警枕

八百里

王敦兵嫗能解黃巢兵嫗能駭晉帝付嫗七寶鞭傳觀追騎遲
不前錢王逢嫗石鏡鎮王去賊來爭問訊嫗告以地名賊認爲
屯兵三百兵屯八百里驚走果頭屈律矣

掬江沙

觀察使卯金刀連營壯士歌董逃明明之月營難抄掬江沙將
浪淘月驟掩畢風怒號卯金刀旋投首刃莫遣牙兵要待持金
手金在沙中爾知否

逐白兔

千里草羅平鳥年月日時明歲皆在卯金牀建城樓白兔怕遇
猴會稽山頭作天子何似開門節度使冠壓頭低兔先死

射潮箭

前子胥後文種潮打越山浪花湧胥種怒越兼怒吳王謂吳越
民何辜潮東來弩西射水犀三千胥種怕金隄一道如虹跨

陌上花

臨安道百里賒行陌上王妃車英雄亦兒女軟語同秦嘉花深
深處緩緩妃歸家妃歸但看陌上花花如妃妃如花娶妻真得
陰麗華

功臣堂

仿麒麟閣成羅漢堂數應應真五百名誰詳碑已摧堂亦塌乃
知天星辰終勝佛菩薩雲臺表表列宿名垂二十八

鸞手畫

南人自南北人自北以貌取人毋乃惑誰欺昂昂面有銀光畫

身非室冊創記
工圖就宣見王都會堂握髮殿衣錦袍腰羽箭仰瞻貴人福不
淺福相原來須浙臉

青綃帳

葛燈籠田舍翁王此帳將毋同生綃十幅光彩甚請王更之王
不省畱作軍前衣樹錦

使宅魚

沒了期沒了期歲養撩湖卒葑去湖魚肥豈惟魚肥民亦肥西
湖不填民得食與衣民肥在安作去魚肥休日課計日供魚魚
不大羅隱來爲題破

還鄉歌

婆留井頭駟馬重來游石鏡照出新冕旒纏縣吳語起爲父老
歌且謳將軍大樹風颭颭

玉羊生

玉羊生紅羊劫先丁後丁符讖協南宋第二君亦以丁未生普安邸開舊羅城羅城當年未開邸金甲神先來夢裏夢中語帝還我土地土地不還行都開武肅再來文穆亦再來

鍾馗圖

莫擊鬼空耗紙義和院內王瀕死生爲亂臣沒崇祀進思其名克開乃其字以武顯以文始雖未隱中山同是登科榜上無名鄉進士

黃妃塔

金塗塔現元帥府黃妃塔黃元帥府荒譌黃皮燬而禿湖之陰塔高臨佛保妃兮民保俶

買燈錢

金陵滅吳越危臥榻下鼾睡者非王其誰鼇山寶樹歲貢徒纍
纍曰此帑中物而何用獻爲再朝天王納土三燈宵添作五金
錢難買王復還汴城燈作臨安觀臨安王氣丁年罷國五王燈
五夜

瓜子戰

雪上瓜子離離角勝負算零奇南皮游耶青門侯耶黃臺不摘
不寔不散絲絲至今成甍耶

題金亞伯多華堂圖

丹青誌貽厥展卷生清風莫謂泉石耽式穀存其中感時奉身
退出處何從容遙遙三百載君起能亢宗生當
聖人世豁達言路通惟君肯衣烏彈劾心秉公

天語蒙見褒遭遇何其隆願言繩祖武台譽垂無窮

林少穆中丞治蘇有新政詩以記之

姑蘇財賦地賦出由田疇田疇之所關水利宜急籌太倉有劉
河歲久廢不脩治蘇昔置吏賢數夏與周築隄復均稅心各民
莫求公能舉其廢借帑工爲鳩方今捍海塘深繫江浙憂澹災
朝發帑星使雙槎留浙西界江南形勢大畧侔左江右太湖支
港中紛稠惟杭盛潮汐海翁波逆流嘉湖接杭界均控蘇上游
疆雖別統轄水濫同一漚所以唐宋前嘉禾隸蘇州正須將伯
助指臂效互收側聞洞庭石開採行汎舟及茲霜降後潮縮沙
不浮程功貴協力迅速芻茭投沿海盡桑麻無俛蛟龍游劉河
公著效匝月役已休塘工以歲計助順知陽侯蘇兼得保障鞏
固期千秋

海虞足風景邑以虞仲名中有白茆河沙礫埋欲平一朝具畚

揭河已濶其清從民所樂爲功不勞經營因公治河績令我慨
喟生杭城東帶江西拓明湖明人言濬西湖瀕海田可耕不知
南湖浸流繞餘杭城源自天目來於此滙一泓前明事疏淪萬
頃波盈盈邇來日蕪沒彌望皆榛荆其半成膏腴計課官糧征
上流不能瀦水乃與地爭因之吳興郡傷澇頻呼庚豈惟病吳
興蘇亦患匪輕法宜疏下游上始功可成瀦流與導委兩省須
合并望公福舊治通力徐施行

白荊河在常熟因積於紳士請計勸捐費
作工費中丞率司道捐俸以助一月告成

東南歲積歉吳會尤顛連公疏可載入言行名臣篇元龍遺法
在採自吾鄉賢此於公德政未備僅舉偏雖偏澤無涯百命荷
一肩勸如得百家盈萬命植焉吾鄉亦設賑量地糜各煎當衝
值南北迤東及江邊厥日賑萬人少亦口數千男女區以別界
域蘆分編疲瘵在所矜送給任坐眠大吏督賑來冠蓋紛雲煙

憑籌次第給魚貫無喧闐薄糜不耐饑殘喘藉苟延饑猶不遑
救違卹衣無棉日斜賑始畢空舍風蕭然呱呱聞慄聲中有嬰
兒捐骨肉本天性忍棄不復憐棄兒或收養顧兒難兩全流民
一幅圖棖觸滿眼前自茲各村鎮爭散米與錢樂善人所同所
憚浮議牽道在上爲倡立法開其先擔施法尤便遠免度陌阡
踵行到吾鄉衆志惜不堅今秋足禾稼鼓腹償力田救荒策縱
善溝壑已半填天如軫斯民長賚大有年

以濟老
弱貧病

癸巳冬吳中薦饑中丞仿明季
嘉善陳龍正應明法挑賦各城

林下歸十年頭銜博山長抗顏徒自媿解惑欲誰誑國家設學
臣士氣藉培養乘輅月采風無暇拓函丈間左右有塾書院由
此昉輔學臣不逮鄉大夫所掌鵝湖與白鹿道岸深景仰後來
東林社其失在標榜然猶氣節存以直矯羣枉於今尙通脫風

會更殊曩禿襟短後衣儒也同僧駟威儀既不飾文亦多鹵莽
麤能解四聲已詡才倜儻本非八父手呈藝卓哉名公卿精舍啟
心自顧顏亦疆豈無媚學子可待上宏獎卓哉名公卿精舍啟
書幌才甄浙東西榮比龍門上能於書院外別示化行廣遙遙
小滄浪曾到猶夢想水木何清華軒檻幽且敞公餘課生徒月
旦評不爽金閭多碩學疇最愜心賞願如儀徵師春風隨几杖

中丞擇書院中能文之士於小
滄浪之清德堂課之月凡三舉

題施在卿小照

圖中之人性坦白陽氣軒然滿大宅面方而鬪暫且澤那料長
貧家四壁貧來學作醫針灸以艾湯葭芪修書加幣遠招致名
姓久著江淮西興來亦作畫不罵貴游與情話勝使人開造業
錢賣向豪家壁閒挂聰明所到趣不凡銅錫玉石工鐫刻篆文

大小雜鐘鼎揮霍鐵筆同秋
龜鰈居熒熒廿餘載膝下逋翁惟
鶴在襴衫一著不去身留福兒孫
心有待尊中酒滿坐客稀對
影大嚼哉擇肥酒醒把卷宵課讀
會見雙鶴凌雲飛

題童就園圖

人生祇合城西住路接湖波入城
處小橋流水境翛然疏竹高
槐岸窈樹况值繁花照眼明花閒
風外度書聲我來湖上路經
此時有一雙胡蝶迎湖樓寄迹聊
娛老惜未偕君共傾倒省識
君顏圖畫中披襟坐愛春光好
九十春光正未闌柳絲披拂滿
雕鞍卽今桃李園中見他日麒麟
閣上看

漢趙健仔飛燕印

萃

玉印方寸鳧紐篆文左旋曰妾趙
健仔相傳爲嚴分宜家舊藏
後歸項子京數傳龔定菴以重貲
購得其真僞本不足辨小米

據漢書及外傳謂趙氏姊弟皆爲健仔且鈞弋亦趙氏亦爲健仔何得定爲飛燕松如據漢書力詆外傳誣竈語而許爲貞以王莽廢之爲妄昔王晉卿欲奪東坡海石坡欲以畫易錢穆叔欲兼取蔣穎叔欲焚畫碎石二君之辨得毋類是余以爲旣目爲飛燕印則飛燕之飛燕罪在絕皇嗣則歸罪之云爾

陽阿第畜歌舞妹緣主召入爲健仔亡何中宮竟正位璽綬一

時同乘輿

漢書皇后
稱乘輿

此印應詔爲弟用弟亦昭儀秩增重鳧落人閒

幾處飛態尙凌風招赤鳳健仔賜印由來鮮

漢制昭儀乃賜印
授位在健仔上

姊弟承

恩邀特典侯印鑄成曉失衣奉陵人在曾辭輦方其遠條初築

宮傳國璽在掌握中數傳投地一角缺外家禍乃貽無窮許史

何勞獄重按啄盡王孫空浩歎君不見綈囊葦篋密緘封封詔

中丞印璀璨

和劍秋食西瓜限寒字三十韻

吾嘲汪水雲瓜辨甌與壘東軒書萬卷未足供癩祭甜寒了不
分但騁句妍麗古惟有甜瓜性亦浮且脆寒瓜最後出近在唐
末歲如彼漢武時苑始植扶荔契丹破回紇種乃中原藝吾宗
有記存名特以西繫植之士宜沙蔓衍風搖曳厥形團而碩磊
落象匏綴北方味尤勝子用升斛計於浙數永嘉飽啖吾曾詣
憶昔侍西清芸帙編次第時蒙

錫珍膳絡繹御廚繼值西迎朝陽蔭借簾櫳蔽觸熱塵

宸衷賜瓜越恒例遞自漪瀾園盛暑當午際捧嘗清心神殿角
涼許憩軫饑復軫渴銜感心鐫劇江南孝陵產形橢蒂微銳乘
輶得恣嚼漿勝呷五齊是皆波及

恩追念涕沾袂草堂歸十載瓠落無所儷纍纍薦盈筐時拜野

人惠煩襟正拂鬱快覩獲新製博綜伴彥遠事補坐賓隸徵名
偶送難通類均可噉何須強分別萬彙同一蒂來章雖韻險排
比言入細中言取鎮心轉曠棘闌閉

陳石士學使席上食西瓜餠越日孫文伯孝廉復以芙蓉
見餽仍用食瓜前韻賦謝兼簡劍秋

霑脣一味涼安問累還意得無羞籩實分自上丁祭題餠亦因
材渣去色增麗真成到口酥忘卻性浮脆輪軒莅吾浙瓜代在
今歲閩海話舊游飽啖三年荔及茲又長夏竈養巧呈藝雋味
得屢嘗願公且匏繫相招文字飲我慣長裾曳熒熒桃李閒色
愛瓜點綴乃知餽與蜜鹵莽總非計謂此別酸鹹猶材賞孤詣
倘逢皮相輩味恐難品第歸來見盈筐勝事欣有繼明湖多種
芙蓉引蔓相牽蔽任取豈獨魚稅輸準成例同瓜再三摘正值炎

赫際新剝味亦佳旂亭想同憩投瓊感萃老義取廉不剗兩頭
何纖纖狀肖削瓜銳芳如若下釀其味勝沈齊鮮如石上華其
色映襟袂從來珍重品相饗必有儷瓜剖而豆分重疊飫嘉惠
又如君才多連文惠新製我詩要白戰無事與君隸因饗占得
卦止嗑動爲噬獵食亦偶然胸本無芥蒂太邱方在望月旦評
頗細得君詩中豪徵向後車閉

題徐香塍去思碑

峴首山頭墮淚痕一拳留得謝公墩白蘇詞翰冀黃績父老能
傳况子孫

宏獎風流毓雋才一時科第藉公開就中傑出唐盧肇採取袁
江九肋來

武林耆舊傳無徵六十年誰譜姓名難得潁川驚座筆替公崖

畧紀生平

從此名偕拓本垂文孫藏弄誌餘悲翠珉鐫字無慚色勝似中
郎有道碑

次小米觀馴齋石筍用昌黎山石韻

山石秉秀能通微羊或可叱燕則飛君齋石貓亦宛似頑不捕
鼠徒癡肥何如戍削窗外筍數竿形頗存依稀我時耕石值歉
歲來對聊以充朝饑筍根容我跂腳臥幽夢恍已通巖扉蒼龍
老去嬾變化任春雨漬秋煙羸貌雖支離性崛強挺立肯藉雕
闌圍苔蒼蘚碧自宜稱賜紫笑殺高僧衣衆中悔暫露頭角作
供竟遭塵世鞮石多渝交筍被呪終讓爾早林閒歸

水北樓觀金龜鎮紙蓋唐時物也詩以識之

史言唐佩魚因姓識乎鯉明空草廡命蠶食鯉魚子徵祥元武

宿改佩從此始惟時鑄天樞九鼎功繼起良金盡遭鑠龜特其
細耳取旌婁狄輩輝映章服紫流傳閱千年供玩陳棐几茂先
賞博物錫與百朋似入夜其金牛騰光照湖水

劍秋見和金龜詩復用前韻

雉兒取梵妻非魴亦非鯉白歌武媚娘憔悴桃李子鱗而易以
介殺運從此始或云紐用龜印製由漢起囊懸與袋綴同取堪
佩耳心知翡翠裘不敵敗絀紫奈何縱族類赤舄誇几几易魚
尚不害易馬得無似鑽灼避有人垂竿釣煙水

環說
修緒

秋暑用韓孟秋雨聯句韻

田期禾稼登時屆夏秋會甘雨靳濡液閒雲枉浮藹陽驕值大
壯陰闕失交泰薪蒸就焦枯潮汝減湍瀨稗金司令淺老火挾
權大厥占是謂亢其勢方未艾叩商寂不應坐甌愁難奈明輝

久炳離肅氣遲乘兌冰思乾吻噉淵擬煩襟汰渴烏翔空中野
馬飛隙外燿膚患痹癢煎臙病嘔噉除垢具湯沐憎炎滅香謁
爛然霞夕蒸曠矣露晨沛返三日停馭吹萬風息籟少女何許
藏炎官如此伏僮來喜擁筵客過憂束帶眄彼赤日行恐爲大
田害龜兆拆高原牛涔涸通澮薦饑亦已甚復眚夫何賴糴如
轉巴荆糧早絕陳蔡巫嗤老嫗曝醕擬神湫醑洪鑪大地然若
木參天蒼月熱光赫熙雷焦響硯榼穀前被霖潦價致壓錢貝
招商已弛禁議賑誰填瘡吏促租賦輸氓窮斗升句閩荒招去
牒冀熟阻來軟鴻音訴噉噉羿羽騰翩翩辱爭集翻車禱欲煩
去蓋旣優剛奏雅有曜旋歌郃方今築隄防瀕海駐旌旆行水
領使符覘風挹卿鬻庶幾播膏澤蘇息徧塵壙癡頑龍試鞭跋
扈鯨先鱸侵漁斥豪猶秩爵明殿最諮諏採芻蕘蕩析軫顛沛

誠如通肸蠻樹定錫鬻霈瞻霄嘒其星秋暑無乃太

七月十六日暑甚晚得驟雨仍用前韻

煩懣正無聊風雲忽來會刁刁風作陣圍圍雲生藹蒼昊自仁
慈羣司莫驕泰分疆灑甘澍注雷瀉驚灑碾車雷鼓迅掣鏡電
函大穿漏駭牀牀疾呼成艾艾益盛不足支雨立無可奈書遭
蘭亭阮酒覆餘杭兌罇塞婣裂砌劫浮兒擊汰聽疑臥篷底漂
異曝庭外沈竈蛙爭喧翳林蜩絕臧布陶公木屑蒸荀令香馥
浹旬憂如愀向夕豐其沛商金怒一快夏木號萬籟政頒蓐收
清威歛祝融快澄光漾茵席爽氣襲襟帶豈徒蠅蚋除盡洗螟
蝻害翼翼想郊原粼粼滿川澮瘠田欣倍獲富歲徵多賴閉防
罷禱祈占礎協蒼蔡祲氛巫茆埽昭貺神攬酌色轉芰荷嫵姿
增蒲柳蒼村墟社闋咽報賽鼓砌磕稻芒薦琲珠豆莢羅編貝

農歡共塗廩官喻先葺膺稅定及期輸糴休向隣
白潑洄沫濺舡滑遶淖掀軟揚鬢魚喜躍濡尾烏慵
翮伴來總荷蓑客去思假蓋繁音真奏夏餘韻漫
譏鄮雲御救回驂風師整歸旆冰輪開夜霽霞綺
明晨鷲卉旭澹炎暉層空淨纖盞逕須召仇偶延
賞脩魚膾頻年穀不登此樂秋來最噓枯在俄頃
蘇困及顛沛一宵快新涼三日望連濡階前蟋蟀
鳴良士康警太